

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 416636/06-Վ

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 18.08.2020 թվականի թիվ 24078 վարչական իրավախախտման վերաբերյալ արձանագրությունը, քննելով թիվ 24078 վարույթը և կից նյութերը,

ՊԱՐԶԵՑԻ

Ա/Ձ Աննա Աշոտի Ղազարյանը /ՀՎՀՀ 35152357, հասցե՝ ք. Երևան, Մանթաշյան 4/60, անձն. տվյալներ՝ 005518964, ՀԾՀ՝ 5914980070/ ՀՀ Հարկային օրենսգրքի 261-րդ հոդվածով սահմանված ժամկետում չի ներկայացրել 2020 թվականի 1-ին եռամսյակի շրջանառության հարկի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Վարչական վարույթի շրջանակներում Աննա Ղազարյանին հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ: Նկատի ունենալով, որ ծանուցագիրը ստանալու փաստը հավաստող ապացույց առկա չի եղել, ՀՀ ՊԵԿ իրավաբանական վարչության պետի կողմից 19.06.2020 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Վարույթը կասեցնելու վերաբերյալ որոշումը և ՀՀ ՊԵԿ իրավաբանական վարչություն ներկայանալու, վարչական իրավախախտման վերաբերյալ արձանագրության կազմմանը և գործի քննությանը մասնակցելու վերաբերյալ ծանուցագիրը՝ համաձայն փոստային առաքանու վերաբերյալ հետադարձ ծանուցման Աննա Ղազարյանը ստացել է, սակայն վարչական վարույթին չի ներկայացել: Գործում առկա չէ առարկություն կամ բացատրություն:

Վարչական վարույթի ընթացքում կատարված ուսումնասիրությամբ պարզվել է, որ 2020 թվականի 1-ին եռամսյակի շրջանառության հարկի հաշվարկը ներկայացվել է 25.04.2020 թվականին, ընդ որում հաշվարկից առաջացած հարկային պարտավորությունը՝ ընդամենը 3.314 ՀՀ դրամ, մարվել է նույն օրը, ուստի իրավախախտումն ունի նվազ նշանակություն:

Նկարագրված արարքի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով, սակայն հաշվի առնելով իրավախախտման նվազ նշանակություն ունենալու հանգամանքը, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով, 49-րդ հոդվածի 3-րդ մասով, Վարչական իրավախախտումների վերաբերյալ ՀՀ օրենսգրքի 21-րդ, 32-րդ հոդվածի 2-րդ մասով, 282, 244² հոդվածներով՝

ՈՐՈՇԵՑԻ

1. Աննա Աշոտի Ղազարյանի վերաբերյալ հարուցված թիվ 24078 վարչական վարույթը վերսկսել
2. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի 1-ին մասի՝ Աննա Աշոտի Ղազարյանին ազատել վարչական պատասխանատվությունից և հայտարարել բանավոր դիտողություն:
3. Աննա Աշոտի Ղազարյան նկատմամբ հարուցված թիվ 24078 վարչական իրավախախտման գործի վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ



Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Մասնակցեցի գործի քննությանը, որոշման վերաբերյալ առարկություններ չունեմ

(ստորագրություն)

Ստացա որոշման պատճենը _____